

INUIT ATAQATIGIIT

INATSISARTUNI



UKA2023/76

8. novembari 2023

Egaluk Høegh

Ilinniartitaanerup aaqqissuussaanera eqaatsoq ataqatigiittorlu qanoq toqqammavilernissaanut apeqquteqaat aallaavigalugu oqallinnissamik siunnersuut

(Inatsisartunut ilaasortaq Najaaraq Møller, Siumut)

Oqaaseqaat:

Inuit Ataqatigiit sinnerlugin Najaaraq Møller, Siumut, apeqquteqaat aallaavigalugu oqallissiamik siunnersuuteqarninnut qutsavigiumavakkit.

Ilinniartitaaneq nammineernerulernissatsinnut matuersaataaginnarani – inuaqatigiit patajaatsumik ingerlanissaannut qitiulluinnartuuvoq. Inuuusuttortatta ilinniarsimanermikkut qaffassarnissaat inuaqatigiittut pisariaqarteqaarput. Taakuuppummi atorfinnik suliffinnillu inuaqatigiit napanissaanni atorfissaqartunik inuttaliisussat.

Ilinniagaqassutsip qaffassarnissaa tamatta akisussaaffigaarput. Tamannalu isumaqarpoq inuttut ataasiakkaatut inuaqatigiittullu ataatsimoorluta akisussaaffigigippot – kinguaariit tulliuttussat periarfissanik ullumikkut atukkatsinnut assingusunik pitsaanerusunilluunniit atugaqartikkumallutigit.

Inuit Ataqatigiinniit oqallissiamik siunnersuuteqartoq isumaqatigaarput.

Ilinniartitaanerup iluani ataqatigiinngitsorpassuaqarpoq.

Siullertut pingarnertullu ilinniartitaanerup iluani anguniakkat qaffasissut pissutsillu piviusut imminnut arlalitsigut ataqatigiinnginnerat ajoraluuartumik takusinnaavarput.

Ilinniartitaanermut Pilersaarut II 2023-mut tunngasoq atuaraanni – taava

INUIT ATAQATIGIIT

INATSISARTUNI



ilinniarsimassutsip ineriarornera unittoorsimasoq atuarneqarsinnaavoq, tamannalu peqqutigalugu nunatut anguniagarput - tassa meeqqat atuarfianni ukioqatigiinnit 2015-imit naammassisunit 70 %-it 35-nik ukoqalertinnatik inuutissarsiutaalersinnaasumik ilinniakkamik naammassinnissimanissaat – angussallugu piviusorsiorunnaarsimavoq.

Ataatsimummi isigalugu meeqqat atuarfianni angusatigut kinguariartortoqartoq ersippoq – taassumallu malitsigisaanik siunissami aggersumi inuusuttuaqqat angusatigut ilinniarlutillu naammassisartut eqqarsaatigalugit appariartortoqassasoq ilimagineqarsinnaalluni.

Pissutsillu taamaannerisa namminermi inuiaqatigiittut killiffipput oqaluttuaraat. Ilinniartitaanerup iluani ataqtigiiinngitsoqarpoq. Ataatsimullu isigalugu taama killiffeqarnerput – ataasiinnarmik peqquteqaranilu – seqquinnarlatalu aaqqiivigisinnaanngikkipput – tamatta nalunngilarput.

Ukiuni qulikkaartuni arlalinngortuni ilinniartitaaneq pingaarnersiuinerni qullersaajuarsimavoq. Aamma ukiorpassuanngortuni ilinniartitaaneq ataqtiginnerusoq pilersikkumallugu politikkikkut naalakkersuinikkullu takorluuinerit, oqallittarnerit, suliniuteqartarnerillu pisarsimapput.

Inuit Ataqatigiinnit maluginiarparput oqallississiamik siunnersuuteqartup nunani allani misilitakkat pitsaasut pillugit isumassarsiorfigisinnaasatut assersuusisiaqarluni oqaaseqaateqarnera. Soorunami misilitakkat pitsaasut naalarnisariaqarpagut – kisianni aamma nunatsinni pissutsit aallaavigisariaqarpagut pingaarnertut. Aamma eqqaamassuarput inatsisiliornikkuinnaq ilinniartitaaneq kivissinnaannginnatsigu. Tunngaviusumik inatsisiliagut oqaatigineqartarput ajunngitsuusut – allaat pitsaalluinnartutut oqaatiginiarneqartarlutik.

Inatsisiliagulli assasaqartinngikkutsigit tamakkiisumik piviusunngortinneqarsinnaanngillat. Aamma ilinniartitaanerup iluani taamaappoq. Siullermik inuttaqarniarnikkut ilinniarsimasunik amigaateqarnerput annertoqaaq –

INUIT ATAQATIGIIT

INATSISARTUNI



aamma ilinniartitaaneq ataatsimut isigissagaanni.

Ilinniartitaanerup ataavaartumik nalilersorneqartuarnissaa pingaaruteqarluinnarpoq. Taamaattumik nuna tamakkerlugu ilinniartitaanermut siunnersuisooqatigiinnik pilersitsisoqarnissaa Inuit Ataqatigiinniit tapersorsorparput. Pisariaqarteqaarput siunissaq aamma ungasinnerusoq eqqarsaatigalugu nunatsinni ilinniartitaanermut politikkitta ataqatigiinnerusumik – ilinniagaqassutsittalu qaffassarnissaanut immikkut ilinniartitaaneq pillugu ilisimasaqartunik sumilluunniit attuumassuteqanngitsunik – nalilersuiffiqeqartalernissaa aqqutissiuutissallutigu.

Massakkut killiffipput qiviarutsigu – sorpassuartigut kingussaaqqalluta inissimasugut oqartariaqarpugut. Politikkikut anguniakkatut pilersaarutigut piviusunngortinniarlugit annertuumik inuttassaaleqivugut – aamma ilinniartitaanerup iluani. Meerartavullu immikkut pisariaqartitsisut eqqarsaatigissagutsigit – suliassarput suli annertoorujussuuvoq.

Kisianni aamma eqqaamasariaqarparput suna tamarmi qernertuinnaanngimmat. Iluatsittorpassuaqartarpoq – aamma ilinniartitaanerup iluani. Kommunit atuarfeqarfiillu pitsasunik suliniuteqarlutik angusaqartartut tusartarpagut. Iluatsitagut ersialaartinnerunissaat pikkoriffingerusariaqarparput – sapinngisamillu nunatta sineriaanut misilitakkat pitsasut aamma siammartissallutigit pikkorinnerulerteriaqarpugut.

Ilanngullugu eqqaamassuarput oqartoqarsinnaanngimmat iliuuseqartoqarneq ajortoq. Ilinniartitaaneq qaffassarumallugu iliuutsit amerlasoorpassuit ingerlanniarneqartut ilisimaneqarpoq. Ilinniartitaanermut pilersaarut ukioq manna saqqummertup soorlu tamanna takutikkaa. Kisianni maannamut iliuuserisimasagut kiisalu siunissami iliuuseriniakkagut – qanoq nalilersortarpagut? Qanoq uuttortarlugit kingorna pisarpagut? Iliuutsivullu pillugit misilittagaalersut – qanoq katersorneqarlutillu ineriartorteqqinniarneqartarpat – aamma ilinniartitaaneq ataqatigiinnerusoq eqqarsaatigalugu?

INUIT ATAQATIGIIT

INATSISARTUNI



Politikkikku naalakkersuinikkullu nunatsinni ilinniartitaanerup ataqatigiinnerusumik pitsaanerusumillu aaqqissuuttalernissaanut suliniartarnerput tigussaanerullunilu ersarinnerusariaqalerpoq. Inuit Ataqatigiinniit naalakkersuisut tamannarpiaq pingaarerutillugu ukkataqarnialermata qujavugut. Ilinniartitaanermut periusissiaq nutaaq maanna naalakkersuinikkut suliarineqartoq tusaavarput – tassani nalilersuisarnerit – pitsaassutsimillu ineriartortitsisarnerit tigussaanerusut aqquissiunniarneqarlutik. Pitaassutsimut ineriartortitsinermut aningaasaliinerunissarput aammalu paasissutissanik pitsaanerusumik atuisariaqarneq aalajangersaasarnerillu nalilersuiffigeqqittalernissaat pisariaqartipparput. Taamaattumik Inuit Ataqatigiinniit suliaq taanna tusarniaassutigineqarnissaa qilanaarluta utaqqissavarput.

Taama oqaaseqarluta – Inuit Ataqatigiinniit inatsisartut oqallilluarnissaannik kissaappagut.